

詩家全體卷之六



南郡州堂 氏家藏善本

弟李之問

子吟

閩縣陳薦夫同校

○七言律詩

齊梁已有此體第苦失粘難讀若子良江惣詩是已初唐始追求韻義依韻和聲乃稱律焉沈宋陳張力能返淳汰靡至杜甫之律可為千載一人

芳樹

江惣

朝霞映日殊未妍珊瑚照水定非鮮千葉芙蓉詎相

詩家全體

卷之六

一

二百字

似百枝燈花復羞然暫欲寄根對滄海大願移花側

綺錢井上桃虫誰可雜庭中桂蠹豈見憐

於塞北春日思歸

陳子良

我家吳會青山遠他鄉關塞白雲深為許羈愁長下

淚那堪春色更傷心驚鳥屢飛恒失侶落花一去不

歸林如何此日嗟遲暮悲來還作白頭吟

大酺

杜審言

毗陵震澤九州通士女歡娛萬國同伐鼓撞鐘驚海

上新粧袂服照江東梅花落處疑殘雪柳葉開時任

好風火德雲官逢道泰天長地久屬年豐

興慶池侍宴應制

沈佺期

碧水澄潭映遠空紫雲香駕御微風漢家城闕疑天上
蒸地山川似鏡中向浦迴舟萍已綠分林蔽殿檜
初紅古來徒羨橫汾曲今日宸遊聖藻雄

遙同杜員外審言過嶺

沈佺期

天長地濶嶺頭分去國離家見白雲洛浦風光何所
似崇山瘴癘不堪聞南浮漲海人何處北望衡陽鴈
幾群兩地江山萬餘里何時重謁聖明君

詩家全體卷之六

古意

沈佺期

盧家少婦鬱金香海燕雙棲玳瑁梁九月寒砧催下
葉十年征戍憶遼陽白狼河北音書斷丹鳳城南秋
夜長誰為含愁獨不見更教明月照流黃

奉和春初幸太平公主南莊應制 宋之問

青門路接鳳凰臺素澹宸遊龍騎來澗草自迎香輦
合岩花應侍御筵開文移北斗成天象酒近南山作
壽杯此日侍臣將石去共歡明主賜金迴

春晚紫薇省直寄內

蘇頌

直省清華接建章向來無事日猶長
花間燕子樓鷓鴣竹下鷓雛繞鳳凰
內史通宵承紫誥中人落晚愛紅粧
別離不慣無窮憶莫誤卿卿學太常

贈彭州權別駕

蘇頌

雙流脉脉錦城開追餞年年往
洩迴祇道謠謠迎半刺徒聞禮數揖
中台黃鶯急轉春風畫班馬長嘶落
景催莫愴分飛岐路別還當奏最掖垣來

遙同蔡起居偃松篇

張說

清都衆木總榮芬傳道孤松最出群
名接天庭多景色氣連宮闕借氛氲
懸池的的停葦露偃蓋重重拂瑞雲
不惜流膏助仙鼎願將楨幹奉明君

詩家全體

卷之六

三

三百〇七

奉和春日幸望春宮

李適

玉輦金輿天上來花園四望錦屏開
輕絲半拂朱門柳細纈全披畫閣梅
舞蝶飛行飄御席鶯歌度曲繞仙杯
聖詞今日光輝滿漢主秋風莫道才

題張氏隱居

杜甫

春山無伴獨相求伐木丁丁山更幽
澗道餘寒歷水雪石門斜日到林丘
不貪夜識金銀氣遠害朝看麋

鹿遊乘興香然迷出處對君疑是泛虛舟

小寒食舟中作

杜甫

佳辰強飲食猶寒隱几蕭條對鶡冠春水船如天上
坐老年花似霧中看娟娟戲蝶過閒幔片片輕鷗下
急湍雲白山青萬餘里愁看直北是長安

南隣

杜甫

錦里先生烏角巾園收芋栗未全貧慣看賓客兒童
喜得食堦除鳥雀馴秋水纔深四五尺野航恰受兩
三人白沙翠竹江村暮相送柴門月色新

詩家全體

卷之六

四

二百八十一

曲江值雨

杜甫

城上春雲覆苑牆江亭晚色靜年芳林花着雨臙脂
濕水荇牽風翠帶長龍武新軍深駐輦芙蓉別殿謾
焚香何時詔此金錢會暫醉佳人錦瑟傍

送韓十四江東省親

杜甫

兵戈不見老萊衣嘆息人間萬事非我已無家尋弟
妹君今何處訪庭闈黃牛峽靜灘聲轉白馬江寒樹
影稀此別應須各努力故鄉猶恐未同歸

吹笛

杜甫

吹笛秋山風月清誰家巧作斷腸聲風飄律呂相和
切月傍關山幾處明胡騎中宵堪北走武陵一曲想
南征故園楊柳今搖落何得愁中却盡生

詠懷古跡

杜甫

群山萬壑赴荆門生長明妃尚有村一去紫臺連朔
漠獨留青塚向黃昏畫圖省識春風面環珮空歸月
夜魂千歲琵琶作胡語分明怨恨曲中論

酬郭給事

王維

洞門高閣霽餘暉桃李陰陰柳絮飛禁裏踈鍾官舍
詩家全體

卷之六

五

三百八十一

晚省中啼鳥吏人稀晨搖玉佩趨金殿夕奉天書拜
瑣闥強欲從君無柰老將因病卧解朝衣

送楊少府貶郴州

王維

明到衡山與洞庭若爲秋月聽猿聲愁看北渚三湘
遠惡說南風五兩輕青草瘴時過夏口白頭浪裏出
湓城長沙不久留才子賈誼何須吊屈平

送李少府貶峽中王少府貶長沙高適

嗟君此別意何如駐馬銜杯問謫居巫峽啼猿數行
淚衡陽歸鴈幾封書青楓江上秋天遠白帝城邊古

木疎聖代即今多兩露蹙時分手莫躊躇

暮春號州東亭送李司馬歸扶風別廬

岑參

柳鞦鶯嬌花復殷紅亭綠酒送君還到來函谷愁中
月歸去磻溪夢裏山簾前春色應須惜世上浮名好
是閑西望鄉關腸欲斷對君衫袖淚痕斑

別韋即中

張謂

星軺計日赴岷峨雲樹連天阻笑歌南入洞庭隨雁
去西過巫峽聽猿多崢嶸洲上飛黃蝶灩澦堆邊起
詩家全體卷之六
白波不醉即中桑落酒教人無柰別離何

六

三百七十五

春園家宴

張謂

南園春色正相宜少婦同行少女隨竹裏登樓人不
見花間覓路鳥先知櫻桃解結垂簷子楊柳能低入
戶枝山簡醉來歌一曲參差笑殺郢中兒

送宮人入道

韋應物

捨罷求仙畏色衰辭天素面立天墀金丹擬駐千年
貌寶鏡休勻八字眉公主與收珠翠後君王看戴角
冠時從來宮女皆相妒說着瑤臺總淚垂

燕李錄事

韋應物

與君十五侍皇闈，曉拂爐烟上赤墀。
花開漢苑經過處，雪下驪山沐浴時。
近臣零落今猶在，仙駕飄飄不可期。
此日相逢思舊日，一杯成喜亦成悲。

寄李儋元錫

韋應物

去年花裏逢君別，今日花開又一年。
世事茫茫難自料，春愁黯黯獨成眠。
身多疾病思田里，邑有流亡愧俸錢。
聞道欲來相問訊，西樓望月幾回圓。

送李回

李頎

詩家全體

卷之六

七

三百九十五

知君官屬大司農，詔幸驪山職事雄。
歲發金錢供御府，晝看仙液注離宮。
千巖曙雪旌門上，十月寒花輦路中。
不覩聲名與文物，自傷留滯去關東。

送濮陽錄事赴忠州

李端

成名不逐雙旌遠，空印還為一郡雄。
赤葉黃花隨野岸，青山白水映江楓。
巴人夜語孤舟裏，越鳥春啼萬壑中。
聞說古書多未校，肯令才子久西東。

宿淮浦憶司空文明

李端

愁心一倍長離憂，夜思千重戀舊遊。
秦地故人成遠

夢楚天涼雨在孤舟諸溪近海潮皆應獨樹邊淮
盡流別恨轉深何處寫前程惟有一登樓

秋夜寄皇甫冉鄭豐

劉方平

洛陽清夜白雲歸城裏長河列宿稀秋後見飛千里
鴈月中聞搗萬家衣長憐西雍青門道久別東吳黃
鶴磯借問客書何所寄中心不啻兩鄉違

送王尊師南歸

司空曙

烟蕪滿洞青山遠幢節飄空紫鳳飛金闕乍看迎日
麗玉簫遙聽隔花微多開石髓供調膳時御覽蒙奉
詩家全體

卷之六

八

三百五十五

舞衣莫學遼東輩表上千年始欲一回歸

訓李端校書見贈

司空曙

綠槐垂穗乳烏飛忽憶山中獨未歸青鏡流年看髮
變白雲芳草與心違乍逢酒客春遊慣久別林僧夜
坐稀昨日聞君到城闕莫將簪弁勝荷衣

南原望漢宮

司空曙

荒原空有漢宮名衰草茫茫雉堞平連鴈下時秋水
在行人過盡莫烟生西陵歌吹何年別南陌燈臨此
日情故事悠悠不可問寒禽野水自縱橫

秋日趨府上張大夫

司空曙

重城洞啓蕭秋烟共說羊公在鎮年
鞞鼓暗驚林葉落旌旗遙拂鴈行偏
石過橋下書曾受星降人間夢已傳
謫吏何能沐風化空將歌頌拜車前

送賈校書東歸寄振上人

李益

北風吹鴈數聲悲况指前林是別時
秋草不堪頻送遠白雲何處更相期
山隨匹馬行看暮路入寒城獨去遲
為向東州故人道江淹已擬惠休詩

鹽州過胡兒飲馬泉

李益

詩家全體

卷之六

九

三百九十一

綠楊着水草如烟舊是胡兒飲馬泉
幾處吹笳明月夜何人倚劍白雲天
從來凍合關山路今日分流漢使前
莫遣行人照容髻恐驚憔悴入新年

鷓鴣樓

李益

鷓鴣樓西百尺檣汀洲雲樹共茫茫
漢家蕭鼓空流水魏國山河半夕陽
事去千年猶恨速愁來一日即為長
風烟並起思鄉望遠目非春亦自傷

田家即事

權德輿

閒臥菡蓂床對落暉倏然便覺世情非
漠漠稻花資旅

食青青荷葉製儒衣山僧相勸期中飯漁父同遊或
夜歸待學尚平婚嫁畢渚烟溪月共忘機

待漏假寐夢歸江東舊居因寄惠閣黎茅處士

權德輿

十年江浦臥郊園閒夜分明結夢魂舍下烟蘿通古
寺湖中雲雨到前軒南宗長老知心法東郭先生識
化源覺後忽聞清漏曉又隨簪珮入君門

荆帥

武元衡

金貂再入三公府錦帳連封萬戶侯簾捲青山巫峽

詩家全體

卷之六

十

三百九十五
金部

曉雲凝碧樹渚宮秋鐺現坐嘯風生苑謝眺裁詩月
滿樓白雪調高歌不得美人南國翠蛾愁

春題龍門香山寺

武元衡

衆香天上梵仙宮鐘磬窸窣半碧空清景乍開松嶺
月亂流長響石樓風山河杳映春雲外城闕參差曉
樹中欲盡出尋那可三千世界本無窮

越溪村居

戴叔倫

年來爲客寄禪扉多病貧居在翠微黃雀數聲催柳
變清溪一路踏花歸空林野寺經過少落日深山伴

侶稀負米到家春未盡風蘿閑掃釣魚磯

贈韓道士

戴叔倫

日暮秋風吹野花上清歸客意無涯
桃源寂寂烟霞閉天路悠悠星漢斜
還似世人生白髮定知仙骨變黃芽
東城南陌頻相見應是壺中別有家

贈史開封

楊巨源

天低芳草誓師壇鄧艾心知戰地寬
鼓角迴臨霜野曙旌旗高對雪峰寒
五營向水紅塵起一劍當風白日看
魯從伏波征絕域磧西蕃部怯金鞍

詩家全體卷之六

十一

二百五

訓于駙馬

楊巨源

芳時碧落心應斷今日清詞事不同
瑤草秋殘仙圃在彩雲天遠鳳樓空
晴花煖送金羈影涼葉寒生玉殿風
長得聞詩歡自足會看春露濕蘭叢

公主逝而
有子故云

贈張將軍

楊巨源

關西諸將揖容光獨立營門劍有霜
知愛魯連歸海上去肯令王翦在頻陽
天晴紅幟當山滿日暮清笳入塞長
年少功高人寂羨漢家壇樹月蒼蒼

上巳日越中與鮑侍御泛舟若耶溪

劉長卿

蘭橈萬轉望汀沙，應接雲峰到若耶。
舊浦遠來移渡口，垂楊深處有人家。
永和春色千年在，曲水鄉心萬里賒。
君見漁船時借問，前洲幾路入烟花。

北歸入至德州界，偶逢洛陽隣家李光宰。

劉長卿

生涯心事已蹉跎，舊路依然此重過。
近北始知黃葉落，向南空見白雲多。
炎州日日人將老，寒渚年年水自波。
華髮相逢俱若是，故園秋草復如何。

詩家全體

卷之六

十二

二百三十三

賦得

劉長卿

鶯啼燕語報新年，馬邑龍堆路幾千。
家住層城臨漢苑，心隨明月到胡天。
機中錦字論長恨，樓上花枝笑獨眠。
爲問元戎竇車騎，何時返旆勒燕然。

鞞淮寧軍節度李相公

劉長卿

建牙吹角不聞喧，三十登壇衆所尊。
家散萬金酬士死，身留一劍答君恩。
漁陽老將多回席，魯國諸生半在門。
白馬翩翩春草綠，邵陵西去獵平原。

觀校獵上淮西相公

劉長卿

龍驤校獵卻陵東野火初燒楚澤空師事黃公千載
後身騎白馬萬人中笳隨晚吹迎邊草箭沒寒雲落
塞鴻三十擁旄誰不羨周郎年少立奇功

過賈誼宅

劉長卿

三年謫宦此棲遲萬里惟留楚客悲秋草獨尋人去
後寒林空見日斜時漢文有道恩猶薄湘水無情吊
豈知寂寂江山搖落處憐君何事到天涯

人去日斜
俱暗用鵲

賦語令人
不蒼耳

贈別嚴士元

劉長卿

詩家全體

卷之六

十三

三百五
能清

春風倚棹闔閭城水國春寒陰復晴細雨濕衣看不
見閑花落地聽無聲日斜江上孤帆影草綠湖南萬
里情東道若逢相識問青袍今已誤儒生

送李錄事兄歸襄陽

劉長卿

十年多難與君同幾處移家逐轉蓬白首相逢征戰
後青春已過亂離中行人杳杳看西月歸馬蕭蕭向
北風漢水楚雲千萬里天涯此別恨無窮

贈張南史

錢起

紫泥何日到滄州嘆向東陽沈隱侯黛色晴峰雲外

出穀文江水縣前流使臣自欲論公道才子非闕厭
薄遊溪畔秋蘭雖可佩知君不得少停舟

三月三日義興李明府後亭泛舟 皇甫冉

江南烟景復如何聞道新亭更可過處處執蘭春浦
綠萋萋藉草遠山多壺觴湏就陶彭澤風俗猶傳晉
宋和更使輕橈徐轉去微風落日水增波

長安春望

盧綸

東風吹雨過青山却望千門草色閑家在夢中何日
到春來江上幾人還川原繚繞浮雲外宮殿參差落
詩家全體 卷之六 十四 三百六十一 能

照問誰念爲儒逢世難獨將衰髻客秦關

晚次鄂州

盧綸

雲開遠見漢陽城猶是孤帆一日程估客晝眠知浪
靜舟人夜語覺潮生三湘愁鬢逢秋色萬里歸心對
月明舊業已隨征戰盡更堪江上鼓鼙聲

至蕙中途中書事寄李憫

盧綸

亂離無處不傷情況復看碑到古城路繞寒山人獨
去月臨秋水鴈空驚顏衰重喜歸鄉國身賤多慚問
姓名今日主人還共醉應憐世故一儒生

酬暢當嵩山尋麻道士見寄

盧綸

聞逐樵夫閑看碁，忽逢人世是秦時。
開雲種玉嫌山淺，渡海傳書怪宦遲。
陰洞石幢微有字，古壇松樹半無枝。
煩君遠示青囊錄，願得相從一問師。

賀李觀察禱河神降雨

耿湣

質明齋祭北風微，騶馭千群擁廟扉。
玉帛纔敷雲澹澹，澹笙鏞未徹雨霏霏。
路邊五稼添膏長，河上雙旌帶濕歸。
若出敬亭山下作，何人敢和謝玄暉。

送友人歸南海

耿湣

詩家全體

卷之六

十五

郭柏
三百〇四

遠別悠悠白髮新，江潭何處是通津。
潮聲偏懼初來客，海味唯甘久住人。
漠漠烟光前浦晚，青青草色定山春。
汀洲更有南回鴈，亂起聯翩北向秦。

陸勝宅秋雨中探韻

張南史

同人永日自相將，深竹閑園偶辟疆。
已被秋風教憶鱸，更聞寒雨動飛觴。
歸心莫問三江水，旅服從沾九日霜。
醉裏欲尋騎馬路，蕭條是處有垂楊。

金陵懷古

劉禹錫

王濬樓船下益州，金陵王氣黯然收。
千尋鐵鎖沉江

底一片降旗出石頭人世幾回傷往事山形依舊枕
寒流今逢四海爲家日故壘蕭蕭蘆荻秋

奉送浙西李僕射赴鎮

劉禹錫

建節東行是舊遊歡聲喜氣滿吳州郡人重得黃丞
相童子爭迎郭細侯詔下初辭温室樹夢中先到景
陽樓自憐不識平津客遙望旌旗汝水頭

松滋渡望峽中

劉禹錫

渡頭輕雨灑寒梅雲際溶溶雪水來
夢渚草長迷楚望夷陵土黑有秦灰
巴人淚應猿聲落蜀客舡從鳥道迴
十二碧峰何處所永安宮外有荒臺

詩家全體

卷之六

十六

鄭相
三百六

仙遊觀

韓翃

仙臺初見五城樓風物淒淒宿雨收
山色遙連秦樹晚砧聲近報漢宮
秋踈松影落空壇靜細草春香小
洞幽何用別尋方外人間亦自有丹丘

送劉評事赴廣東使幕

韓翃

征南官屬似君稀才子當今劉孝威
蠻府參軍趨傳舍交州刺史拜行衣
前臨漲海無人過却望衡陽少
鴈飛爲報蒼梧雲影道明年早送客帆歸

送李少府入蜀

韓翃

行行獨出故關遲，南望千山無盡期。
見舞巴童應暫笑，聞歌蜀道又堪悲。
孤城晚閉清江上，疋馬寒嘶白露時。
別後此心君自見，山中何事不相思。

早秋京口旅泊贈張侍御

李嘉祐

移家避寇逐行舟，厭見南徐江水流。
吳地征徭非舊日，稜陵凋弊不勝秋。
千家閉戶無砧杵，七夕何人望斗牛。
只有同時駉馬客，偏題尺牘問窮愁。

送宋中舍遊江東

李嘉祐

詩家全體

卷之六

十七

鄭相

孤城郭外送王孫，越水吳洲共爾論。
野寺山邊斜有徑，漁家竹裏半開門。
青楓獨映搖前浦，白鷺閑飛過遠村。
若到西陵征戰處，不看秋草自傷魂。

題遊仙閣息公廟

李嘉祐

仙冠輕舉竟何之，薜荔緣堦竹映祠。
甲子不知風御日，朝昏惟見雨來時。
霓旌翠蓋終難遇，流水青山空所思。
逐客自憐雙鬢改，焚香多負白雲期。

公子行

于鵠

少年初拜太長秋，半醉垂鞭見列侯。
馬上抱鷄三市

闔袖中携劍五陵遊
王蕭金管迎歸院
錦袖紅妝攬上樓
東向苑中新買宅
碧波春水入門流

公子行

張祐

玉堂前後畫簾垂
立却花驄待出時
紅粉美人擎酒勸
錦衣年少臂鷹隨
輕將玉杖敲花片
旋把金鞭約柳絲
晴日獨遊三五騎
等閑行傍曲江池

早秋寄題天竺靈隱寺

賈島

峰前峰後寺
新秋絕頂高
窻見沃州人
在定中聞
蟋蟀鶴曾棲
處掛獼猴山
鐘夜度空江
水汀月寒生
古石樓
心憶懸帆身未遂
謝公此地昔曾遊

詩家全體

卷之六

十八

鄭相三

寒食內宴

張籍

城闕沉沉向曉寒
恩當冷節賜餘歡
瑞煙入處開三殿
香雨微時引百官
寶樹樓前分綉幕
綵花廊下映朱闌
宮筵戲樂年年別
已得三回對御看

寄蘇州白二十二使君

張籍

三朝出入紫微臣
頭白金章未在身
登第早年同座主
題書今日異州人
閭門柳色烟中遠
茂苑鶯聲雨後新
此處吟詩向山寺
知君忘却曲江春

贈錢起秋夜宿靈臺寺見寄

卽士元

石林精舍虎溪東，夜扣禪扉謁遠公。
月在上方諸品靜，心持半偈萬緣空。
蒼苔古道行應遍，落木寒泉聽不窮。
更憶雙峰最高頂，此心期與故人同。

奉和庫部盧四兄曹長元日朝圓

韓愈

天仗宵嚴建羽旄，春雲送色曉雞號。
金爐香動螭頭喘，玉佩聲來雉尾高。
戎服上趨承北極，儒冠列侍映東曹。
太平時節身難遇，郎署何須笑二毛。

登柳州城樓寄漳汀連封四州刺史

詩家全體

卷之六

十九

柳宗元

城上高樓接大荒，海天秋思正茫茫。
驚風亂颭芙蓉水，密雨斜侵薜荔牆。
樹重遮千里，目江流曲似九迴。
腸共來百越，文身地猶自音書滯一鄉。

別舍弟宗一

柳宗元

零落殘魂倍黯然，雙垂別淚越江邊。
一身去國六千里，萬死投荒十二年。
桂嶺瘴來雲似墨，洞庭春盡水如天。
欲知此後相思夢，長在荆門郢樹烟。

張芬見訪郊居作

皇甫魯

林中雨散早涼生已有迎秋促織聲三徑荒蕪羞對
客十年衰老愧稱兄愁心自惜江灘晚世事方看木
樵榮君若罷官携手去尋山莫計白雲程

鴛鴦

崔珏

翠鬢紅衣舞夕暉水禽情似此禽稀斲分煙島猶回
首只度寒塘亦共飛映霧盡迷朱殿瓦逐檢齊上玉
人機采蓮無限蘭橈女笑指中流羨爾歸

題同官李明府書舍

崔峒

訟堂寂寂對烟霞五柳門前聚晚鴉流水聲中視公
詩家全體

卷之六

二十

劉安
三百五

事寒山影裏見人家觀風共羨新為政計日還應更
觸邪可惜陶潛無限興不逢籬菊正開花

寄上韋蘇州兼呈吳縣李明府

崔峒

數年湖上謝浮名竹杖紗巾遂稱情雲外有時逢寺
宿日西無事傍江行陶潛縣裏看花發庾亮樓中對
月明誰念獻書來萬里君王深在九重城

過繡嶺宮

崔塗

古殿春殘綠野陰上皇曾此駐泥金三城帳屬昇平
夢一曲鈴關帳望心苑路暗迷香輦絕繚垣秋斷草

煙深前朝舊物東流在猶爲年年下翠岑

獻王樞密

王建

先朝行坐鎮相隨今上春宮見長時脫下御衣親賜
着進來龍馬每教騎長承密旨歸家少獨奏邊機出
殿遲不是大家頻向說九重爭得外人知

王建初爲渭南尉與宦者王守澄有宗人之分因過飲相戲守澄深憾曰吾弟所作宮詞禁掖深邃何以知之欲推劾奏建因賦此篇以解之其事遂寢

早春五門西望

王建

百官朝下五門西塵起春風滿御堤黃帕蓋鞍呈過

詩家全體

卷之六

二十一

劉宇

馬紅羅纏頸聞田雞館松枝重墻頭出渠柳條長水
面齊惟有教坊南草色古城陰處冷淒淒

秋宿湘江遇雨

譚用之

江上陰雲鎖夢魂江邊深夜舞韶琨秋風萬里芙蓉
國暮雨千家薜荔村鄉思不堪悲橘柚旅遊誰肯重
王孫漁人相見不相問長笛一聲歸島門

彭門用兵後經汴路

吳融

長亭一望一徘徊千里關河百戰來細柳舊營猶鎖

月初連新塚已封苔霜飛綠野愁無際燒接黃雲慘

不開若比江南更牢落子山詞賦莫興哀

廢宅

吳融

風飄碧瓦雨摧垣却有鄰人爲鎖門
幾樹好花閒白晝滿庭芳草易黃昏
放魚池涸蛙爭鬧栖燕梁空雀自喧
不獨淒涼眼前事咸陽一火便成原

入塞曲

沈彬

欲爲皇王服遠戎萬人銜甲鼓鼙中
陣雲黯塞三邊黑兵血愁天一片紅
半夜翻營旗攪月深秋防戍劍磨風
謗書未及明君夔卧骨將軍已歿功

詩家全體

卷之六

二十二

劉宇
三頁全

又

沈彬

苦戰沙間卧箭痕戍樓閒上望星文
生希國澤分偏將死奪河源
蒼聖君鴛覩敗兵眠白草馬驚邊鬼哭
陰雲功多地遠無人紀漢閣笙歌日又曛

送友人出塞

姚鵠

帝城春色著寒梅去恨離懷醉不開
相別欲將何計免此行應又隔年回
入河殘日離西盡卷雪驚蓬馬
上來有志莫忘清塞學衆傳君負佐王才

寄遠

劉滄

西園楊柳暗驚秋寶瑟朱絃結遠愁霜落鴈聲來
塞月明人夢在青樓蕙心迢迢湘雲暮蘭思縈迴楚
水流錦字織成添別恨關河萬里路悠悠

經麻姑山

劉滄

麻姑此地煉神丹寂寞烟霞古龜殘一自仙娥歸碧
落幾年春雨洗紅蘭帆飛震澤秋江遠雨過陵陽晚
樹寒山頂白雲千萬片時聞鷺鶴下仙壇

題馬太尉華山莊

劉滄

別開池館背山陰近得幽竒物外心竹色拂雲連岳
詩家全體卷之六

二十三

三百四十五
葉積

寺泉聲帶雨出溪林一庭楊柳春光暮三徑烟蘿晚
翠深自是功成閒劔履西齋長卧對瑤琴

秋夕山齋即事

劉滄

衡門無事閉蒼苔籬下蕭疎野菊開半夜秋風江色
動滿山寒葉雨聲來鴈飛閑塞霜初落書竒山客
未迴獨坐高窓此時節一彈瑤瑟自成哀

送元叙上人歸上黨

劉滄

太行閑路戰塵收白日思鄉別沃洲薄暮焚香臨野
燒清晨漱齒涉寒流溪邊殘壘空雲木上孤城對

驛樓此去寂寥尋舊跡蒼苔滿徑竹齋秋

樂遊原春望

李頻

五陵佳氣晚氤氳霸業雄圖勢自分秦地山河連紫塞漢家宮殿入青雲未央樹色春中見長樂鐘聲月下聞無那楊花起愁思滿天飄落雪紛紛

湘中送友人

李頻

中流欲暮見湘烟岫葦無窮接楚天去鴈遠衝雲夢雪離人獨上洞庭船風波盡日依山轉星漢通宵向水縣零落梅花過殘臘故園歸去又新年

詩家全體

卷之六

二十四

三首全

春望

李群玉

清明別後雨晴時極浦空顰一望眉湖畔春山烟點點雲中遠樹黑離離依微水戍聞鼙鼓掩映沙村見酒旗風暖草長愁自醉行吟無處寄相思

黃陵廟

李群玉

小姑洲北浦雲邊二女明粧共儼然野廟向江春寂寂古碑無字草芊芊東風近墓吹芳芷落日深山哭杜鵑猶似含顰望巡狩九疑如黛隔湘川

憶夜直金鑾奉詔

李紳

月當銀漢玉繩低深聽蕭韶碧落齊門壓紫垣高綺
樹閣連青瑣近卅梯墨宣外渥催飛詔草定新恩促
換題明日獨歸花路遠可堪人世隔雲霓

夏夜宿表兄宅話舊

竇叔向

夜合花開香滿庭夜深微雨醉初醒遠書珍重何曾
達舊事淒涼不可聽去日兒童皆長大昔年親友半
凋零明朝又是孤舟別愁見河橋酒幔青

富平侯少年

李商隱

七國三邊未到憂十三新襲富平侯不收金彈拋林

詩家全體

卷之六

二十五

三百
兼祿

外却惜銀牀在井頭綵樹轉燈珠錯落繡檀回枕玉
雕鏤當關莫報侵晨客新得佳人字莫愁

碧城

李商隱

碧城十二曲闌干犀辟塵埃玉辟寒閨苑有書多附
鶴女牆無樹不棲鸞星沉海底當窓見雨過河源隔
坐看若是曉星明又定一生長對水晶盤

隋宮

李商隱

紫泉宮殿鎖烟霞欲取蕪城作帝家玉璽不緣歸日
角錦帆應是到天涯于今腐草無螢火終古垂楊有

暮鴉地下若逢陳后主豈應重問後庭花

馬嵬

李商隱

海外徒聞更九州他生未卜此生休空聞虎旅鳴宵
拆無復鷄人報曉籌此日六軍同駐馬當時七夕笑
牽牛如何四紀為天子不及盧家有莫愁

錦瑟

李商隱

錦瑟無端五十絃一絃一柱思華年莊生曉夢迷蝴蝶
望帝春心託杜鵑滄海月明珠有淚藍田日暖玉
生烟此情可待成追憶祇是當時已惘然

詩家全體

卷之六

二十六

三百八十一
兼祿

春晚岳陽言懷

崔魯

烟花零落過清明異國光陰老客情雲夢夕陽愁裏
色洞庭春浪坐來聲天涯一奩舊山別江上幾看芳
草生獨倚闌干意難寫暮笳鳴咽起孤城

龍池

盧懷慎

代邛東南龍躍泉清漪碧浪遠浮天樓臺影就波中
出日月光疑鏡裏懸鴈沼回流成舜海龜書薦祉應
堯年大川旣濟慙爲楫報德空思奉細涓

河中鶴鵲樓

張喬

高樓懷古動悲詞，鶴雀今無野雀過。樹隔五陵秋色早，水連三晉夕陽多。漁人遺火成寒燒，牧笛吹風起夜波。十載重來值搖落，天涯歸計欲如何。

贈羽林將軍

李 郢

虬鬚憔悴羽林郎，曾入甘泉侍武皇。雕沒夜雲知御苑，馬隨仙仗識天香。五湖歸去孤舟月，六國平來兩鬢霜。唯有桓伊江上笛，臥吹三弄送殘陽。

江亭春霽

李 郢

江籬漠漠荇田田，江上雲亭霽景鮮。蜀客帆樯背歸

詩家全體

卷之六

二十七

三百零四

林

燕楚山花木，怨啼鶯。春風掩映千門柳，曉色淒涼萬井烟。金磬泠泠水南寺，上方僧室翠微連。

凌敲臺

許 渾

宋祖凌敲樂未回，三千歌舞宿層臺。湘潭雲盡暮山出，巴蜀雪消春水來。行殿有基荒薺合，寢園無主野棠開。百年便作萬年計，岩畔古牌空綠苔。

臥疾

許 渾

寒窓燈盡月斜輝，珮馬朝天獨掩扉。清露已凋秦塞柳，白雲空長越山薇。病中送客難為別，夢裏還家不

當歸唯有寄書書未得卧聞燕鴈向南飛

回中作

温庭筠

莽莽雲空遠色愁鳴鳴戍角上高樓吳姬怨思吹雙
管燕客悲詩動五侯千里關山邊草暮一星烽火朔
雲秋夜來霜重西風起隴水無聲咽不流

過陳琳墓

温庭筠

曾於青史見遺文今日飄零過古墳詞客有靈應識
我霸才無主始憐君石麟埋沒藏秋草銅雀荒涼對
暮雲莫怪臨風倍惆悵欲將書劍學從軍

詩家全體

卷之六

二十八

林

長安晚秋

趙嘏

雲物淒涼拂曙流漢家宮闕動高秋殘星幾點鴈橫
塞長笛一聲人倚樓紫艷半開籬菊靜紅衣落盡渚
蓮愁鱸魚正美不歸去空戴南冠學楚囚

長安月夜與友人話故山

趙嘏

宅邊秋水浸苔磯日日持竿去不歸楊柳風多潮未
落蒹葭霜在鴈初飛重嘶匹馬吟紅葉却聽疎鐘憶
翠微今夜秦城蒲樓月故人相見一沾衣

發剡中

趙嘏

正懷何謝俯長流更覽餘封識嵯州樹色老依官舍
晚溪聲涼傍客衣秋南岩氣爽橫郭郭天姥雲晴拂
寺樓日暮不堪還上馬蓼花風起路悠悠

長安道中早行

張泌

客離孤館一燈殘半落星河欲曙天鷄唱未沉函谷
月鴈聲新度灞陵烟浮生已悟莊周夢壯志仍輸祖
逖鞭何事悠悠策羸馬此中辛苦過流年

晚次湘源縣

張泌

煙郭遙聞向晚雞水平舟靜浪聲齊高林帶雨楊梅
詩家全體 卷之六 二十九
熟曲岸籠雲謝豹啼二女廟荒汀樹老九疑山碧楚
天低湘南自忖多離怨莫動哀吟易慘悽

晚秋過洞庭

張泌

征帆高掛酒初酣暮景離情兩不堪千里晚霞雲夢
北一洲霜橘洞庭南溪風送雨過秋寺礪石驚泉落
夜潭莫把羈魂吊湘魄九疑愁絕鎖煙嵐

和王昭符進士贈洞庭趙先生

高駢

爲愛君山景最靈角冠秋禮一壇星藥將雞犬雲間
試琴許魚龍月下聽自要乘風隨羽客誰同種玉驗

仙經煙霞寂寞無人到唯有漁翁過洞庭

鷓鴣

鄭谷

暖戲平蕪錦翼齊品流應得近山鷄兩昏青草湖邊
過花落黃陵廟裏啼遊子乍聞征袖濕佳人纔唱翠
眉低相呼相喚湘江曲苦竹叢深春日西

少華甘露寺

鄭谷

石門蘿逕與天隣兩檜風篁遠近聞飲澗鹿喧雙派
水上樓僧踏一梯雲孤煙暮薄關城沒遠色初晴渭
曲分長欲燃燈來此宿北林後鶴舊同群

許家全體

卷之六

三十

青
一百

題茅山李尊師山居

秦系

天師百歲少如童不到山中竟不逢洗藥每臨新瀑
水步虛時上最高峯籬間五月留殘雪石上千年蔭
怪松此去人寰今遠近回看雲壑一重重

山行

項斯

青樾林深亦有人一渠流水數家分山當午日回峰
影草帶泥痕過鹿群蒸茗氣從茅舍出縹絲聲隔竹
籬聞行逢賣藥歸來客不惜相隨入洞雲

送宮人入道

項斯

願隨仙女董夔成王母前頭結伴行初戴王冠多悞
拜欲辭金殿別稱名將敲碧落新齋磬却進昭陽舊
賜筭旦暮焚香遶壇上步虛猶作按詞聲

津亭

胡宿

津亭欵闕戒棠舟五兩風來不暫留西北浮雲連魏
闕東南初日滿秦樓層城漱漱人傷別芳草淒淒客
倦遊平樂舊歡收不得更憑飛夢到瀛洲

寄昭潭王中立

胡宿

高絃一弄武陵深六幘天空萬里心吳苑詞驪成久
別楚峰回鴈好歸音十千羨酒花期隔三百枯棋奕
思沉莫上孤城頻送目浮雲西北是家林

遇東吳生

韋莊

十年身事各如萍白首相逢淚滿襟老去不知花有
態亂來惟覺酒多情貧疑陋巷春偏少貴想豪家月
最明且對一樽開口笑未衰應見泰階平

柳谷道中作却寄

韋莊

馬前紅葉正紛紛馬上離情欲斷魂曉發獨辭殘月
宿暮程遙宿隔雲村心如岳色留秦地夢逐河聲出

詩家全體

卷之六

三十一

二百八十八

陳

禹門莫怪苦吟鞭拂地有誰傾蓋待王孫

憶昔

韋莊

昔年曾向五陵遊
午夜清歌月滿樓
銀燭樹前長似
畫露桃花下不知
秋西園公子名無忌
南國佳人字
莫愁今日亂離俱是夢
夕陽唯見水東流

禁直

韓偓

星斗踈明禁漏殘
紫泥封後獨凭欄
露和玉屑金盤
冷月射珠光貝闕寒
天襯樓臺籠苑外
風吹絃管下
雲端長卿只爲長門賦
未識君臣際會難

詩家全體

卷之六

三十二

陳

春盡

韓偓

惜春連日醉昏昏
醒後衣裳見酒痕
細水浮花歸別
澗斷雲含雨入孤村
人閑易得芳時恨
地迥難招自古
冤慚愧流鶯相厚意
清晨猶為到西園

宣州開元寺水閣

杜牧

六朝文物草連空
天澹雲閒今古同
鳥去鳥來山色
裡人歌人笑水聲中
深秋簾幕千家雨
落日樓臺一
笛風惆悵無因見
范蠡參差烟樹五湖東

寄題甘露寺北軒

杜牧

曾上蓬萊宮裏行
北軒闌檻最留情
孤高堪弄桓伊笛
縹緲宜聞子晉笙
天接海門秋水色
煙籠隋苑暮鐘聲
他年會着荷衣去
不向山僧道姓名

早鴈

杜牧

金河秋半虜弦開
雲際驚飛四散哀
仙掌月明孤影過
長門燈暗數聲來
須知胡騎紛紛在
豈逐秋風一
一
回莫厭瀟湘少
人處水多菰米岸莓苔

九日齊山登高

杜牧

江涵秋影鴈初飛
與客携壺上翠微
塵世難逢開口

詩家全體

卷之六

三十三

三百〇四

笑菊花須插滿頭歸
但將酩酊酬佳節
不用登臨怨
落暉古往今來只如此
牛山何必淚沾衣

和樂天早春見寄

元稹

雨香雲淡覺微和
誰送春聲入棹歌
萱近北堂穿土
早柳偏東面受風
多湖添水色銷殘
雪江送潮頭湧
漫波同受新年不同賞
無由縮地欲如何

送貞實上人歸杭州天竺寺

姚合

石橋寺裏寂清涼
聞說茅庵寄上方
林外猿聲連院
磬月中湖色到禪床
他生念我身何在此
世唯師性

亦忘九陌相逢千里別青山重疊樹蒼蒼

送別友人

姚合

獨向山中覓紫芝山人勾引住多時摘花浸酒春愁
盡燒竹煎茶夜卧遲泉落林梢多碎滴松生石底足
傍枝明朝却欲歸城市問我來時總不知

送源中丞使新羅

姚合

丹墀召對使殊方官重霜臺紫綬光玉節在船清海
怪金函開詔拜夷王雲晴漸覺山川異風便那知道
路長誰得似君將雨露海東萬里洒扶桑

詩家全體

卷之六

三十四

二百七十四
尤

所思

羅隱

西指青雲未有期東歸滄海一何遲酒闌夢覺不稱
意花落月明空所思長恐病侵多事日可堪貧過少
年時鬪鷄走馬五陵道惆悵輸他輕薄兒

郎事

羅隱

抵鵲山前寄掩扉便甘終老脫朝衣曉窺青鏡千山
入暮倚長松獨鶴歸雲裏引來泉脉細雨中移得藥
苗肥何須一筋鱸魚膾始掛孤帆問釣磯

三年各大禮

曹唐

海日西飛度禁林太清宮殿月沉沉不開北斗傾
酒空覺南薰入舜琴詞壓鈞天聞夢盡詔歸秋水道
情浮雪風更起古杉葉時送步虛清磬音

張碩重寄杜蘭香

曹唐

碧落香銷蘭露秋星河無夢夜悠悠靈妃不降三清
駕仙鶴空成萬古愁皓月隔花追歎別飛烟籠樹省
淹留人間何事堪惆悵海色西風十二樓

萼綠華將歸九疑留別許真人

曹唐

九點秋烟黛色空綠華歸思頗無窮每悲馭鶴身難
詩家全體

卷之六

三十五

三十四

住長恨臨霞語未終河影暗吹雲夢月花聲閒落洞
庭風藍縷玉勒金條脫留與人間許侍中

獨不見

胡曾

玉關一自有氛埃年少從軍竟未回門外塵凝張樂
榭水邊香滅按歌臺
隱殘夜月人何處
簾捲春風燕復來
萬里寂寥音信絕寸心爭忍不成灰

秋日留別義初上人

羅鄴

寒寺窮秋別遠師西風一鴈倍傷悲每嗟塵世長多
事重到禪齋是幾時
霜嶺自添紅葉恨
月溪休和碧

雲詞關河迴首便千里飛錫南歸詎可知

征人

羅 鄴

青樓一別戍金微力盡秋來破虜圍錦字莫辭連夜
織塞鴻長是到春歸正憐漢月當空照不柰胡沙滿
眼飛唯有夢魂南去日故鄉山水路依稀

晚春尋桃源觀

皎 然

武陵何處訪仙鄉古觀雲根路已荒細草擁壇人跡
絕落花沉澗水流香山深有雨寒猶在松老無風韻
亦長全覺此身離俗境玄機亦可照迷方

詩家全體

卷之六

三十六

三首全

張舍人南溪別業

法 振

新田繞屋半春耕藜枝閒門引客行山翠自成微兩
色溪花不隱亂泉聲漁家遠到堪留興公府懸知欲
厭名入夜更宜明月滿雙童喚出解吹笙

東亭茶燕

鮑君微

閒朝向曉出簾櫳茗燕東亭四望通遠眺城池山色
裏俯聆絃管水聲中幽篁引沼新抽翠芳槿低簷欲
吐紅坐久此中無限興更憐團扇起清風

夜歸華山因寄懷府

蘇廣文

山村寥落野人稀，竹裏衡門掩翠微。
溪渡夜隨明月入，亭臯春伴白雲飛。
稽康懶慢仍耽酒，范蠡逋逃又拂衣。
汀畔數鷗閑不起，只應知我已忘機。

春日山亭

牟融

醉來重整葦陽巾，搔首鶯看白髮新。
莫道愁多因病酒，只緣命薄不辭貧。
龍魚失水難爲用，龜玉蒙塵未見珍。
正是聖朝全盛日，詎知林下有閒人。

中春晏遊

劉蕪

二月風光似洞天，紅英翠萼簇芳筵。
楚王雲雨迷巫峽，江令文章媚蜀箋。
歌黛又顰春岫歛，舞衣新綉曉霞鮮。
酒闌香冷初分散，笑指漁翁釣暮烟。

詩家全體

卷之六

三十七

三百五

峽江令文章媚蜀箋，歌黛又顰春岫歛。
舞衣新綉曉霞鮮，酒闌香冷初分散。
笑指漁翁釣暮烟。

晴詩

雍陶

晚虹斜日塞天昏，一半山川帶雨痕。
新水亂侵青草路，殘烟猶傍綠楊村。
胡人羊馬休南牧，漢將旌旗在北門。
行子喜聞無戰伐，閒看遊騎獵秋原。

寒食

來鵬

獨把一杯山館中，每驚時節恨飄蓬。
蓬侵堦草色連朝雨，滿地梨花昨夜風。
蜀魄啼來春寂寞，楚魂吟去月

朦朧分明記得還家夢徐孺宅前湖水東

聽話叢臺

李遠

有客新從趙地回自言曾上古叢臺雲遮襄國天邊
去樹繞漳河地裏來絃管變城山鳥呀綺羅留作野
花開金輿玉輦無行跡風雨惟知長綠苔

南海旅次

曹松

憶歸休上越王臺歸思臨高不易裁為客正當無鴈
處故園誰道有書來城頭早角吹霜盡郭外殘潮帶
月迴心似百花開未得年年爭發被春催

詩家全體

卷之六

三十八

林

題鴈塔

許玫

寶輪金地壓人寰獨坐蒼冥落玉關北嶺風煙開魏
闕南軒氣象鎖高山灞陵車馬垂楊裏京國城池落
照間暫放塵心遊物外六街鐘鼓又催還

送葉秀才

王初

快騎瓏刻玉羈河梁返照上征衣層冰春近蟠龍
起九澤雲閑獨鶴飛行想北山清夢斷重遊西洛故
人稀漢廷狗監深知已有日前驅負弩歸

送李司直歸浙東幕兼寄鮑參軍持節大夫初

拜東平郡王

朱灣

翩翩書記早曾聞
三十年來願見君
今日相逢悲白髮
同時幾許在青雲
人從北固山邊去
水到西陵渡口分
會作王門曳裾客
為余前謝鮑參軍

尋隱者韋九於東溪草堂

朱灣

尋得桃源訪隱淪
漸來深處漸無塵
初行竹裏惟通馬
直到花間始見人
四面雲山誰是主
數家烟火自為鄰
路傍樵客何須問
朝市如今不是秦

同達奚宰逖竇子明仙壇

朱灣

詩家全體卷之六
松檜陰深一逕微
中峰石室到人稀
仙官不住青山在
故老相傳白日飛
華表問栽何歲木
片雲留着去時衣
今朝茂宰尋真處
覽駐鸞鳧且莫歸

平陵寓居再逢寒食

朱灣

幾迴江上泣途窮
每遇良辰嘆轉蓬
火燧知從新節變
灰心還與故人同
莫聽黃鳥啼愁處
自有花開久客中
貧病固應無好事
但將懷抱醉春風

和趙相公登鸞雀樓

殷堯藩

危樓高架泐寥天
上相閑登立綵旃
樹色到京三百

里河流歸漢幾千年晴峰聳日當周道秋穀垂花滿
舜田雲路何人見高志最看西面赤闌前

冬送鑒供奉歸蜀寧親

靈徹

林間出定戀庭闈聖主恩深暫許歸雙樹欲辭金錫
冷四花猶向玉堦飛梁山拂漢分清境蜀雪和煙戀
翠微此去不須求彩服紫衣全勝老萊衣

懷齊已上人

曇域

鬢髯秋景兩蒼蒼靜對空齋一炷香病後身心俱寂
寞老來親友半凋傷蛾眉山色侵雲直巫峽灘聲入
詩家全體

卷之六

四十

三百零三

大

夢長猶喜深交有支遁時時音信到松房

送友人下第東歸

陳羽

五陵春色泛花枝心醉花前遠別離落第耻爲關右
客成名空羨里中兒都門雨歇愁分處山店燈殘夢
到時家住洞庭多釣伴因來相賀語相思

長安臥病秋夜言懷

陳羽

九重門鎖禁城秋月過南宮漸映樓紫陌夜深槐露
滴碧空雲淨火星流清風刻漏傳三殿甲第歌鐘樂
五侯楚客病來鄉思苦寂寥燈下不勝愁

人日陪宣州范中丞傳正與范侍御傳真宴東
峯亭
鮑防

人日春風綻早梅謝家兄弟看花來吳姬對酒歌千
曲秦女留人酒百杯絲柳向空輕婉轉玉山看日漸
徘徊流光易去歡難得莫厭頻頻上此臺

○又起體

此體隨興發端於文為便
故古今多有之不能悉錄

秋日東郊作

皇甫冉

閒看秋水心無事卧對寒松手自栽廬嶽高僧番偈
別茅山道士寄書來燕知社日辭巢去菊爲重陽冒
詩家全體
卷之六
四十一

兩開淺薄將何稱

獻納臨岐終日自徘徊

四十一

御製
三百

上裴行軍中丞

耿漳

胡塵已滅天山外閉閣陰陰日復曛
櫪上驂騮嘶鼓角門前老將識風雲
旌旗四面高秋見絲竹千家靜
夜聞莫道古來多計策功成唯有李將軍

幽栖

元稹

野人自愛幽栖所近對長松遠是山
盡日望雲心不係有時看月夜方閒
壺中天地乾坤老夢裏身心且暮閒
遼海若思千歲鶴且晉城市會飛還

鄴都懷古

劉滄

昔年霸業何蕭索古木唯多鳥雀聲芳草自生宮殿處
牧童誰識帝王城殘春楊柳長川迥落日蕪葭遠
水平一望青山便惆悵西陵無主月空明

咸陽懷古

劉滄

經過此地無窮事一望凄然感廢興渭水故都秦二
世咸原秋草漢諸陵天空絕塞聞邊鴈葉盡孤村見
夜燧風景蒼蒼多少恨寒山半出白雲層

入泗口

李紳

詩家全體

卷之六

四十二

鄴

洪河一派清淮接堤草蘆花萬里秋烟樹蒼茫分楚
澤海雲明滅見揚州望深江漢連天遠思起鄉關滿
眼愁惆悵路岐惟此處夕陽西沒水東流

題睦州呂卽中郡內環溪亭

方干

爲是仙才登望處風光便似武陵春閑花半落猶迷
蝶白鳥雙飛不避人樹影興餘侵枕簟荷香坐爇着
衣中暫來此地非多日明主那容借寇恂

旅次洋州寓居郝氏林亭

方干

舉目縱橫非我有思量似在故山時鶴盤遠勢投孤

嶼蟬曳殘聲過別枝涼月照窓欹枕倦澄泉遶石泛
觴遲青雲未得平行路夢到江頭身旅羈

九日陪董內召登高

康匡圖

祝融峰下逢嘉節相對那能不愴神烟裏共尋幽磴
菊樽前俱是異鄉人遙山帶日應連越孤鴈來時想
別秦自古登高盡惆悵茱萸休笑淚盈巾

○次對起體

初唐十篇而九率用此體蓋亦有意興所至不期偶而偶者

奉和立春遊苑迎春

沈佺期

東郊暫轉迎春仗上苑初飛銜慶杯風射蛟冰千片

詩家全體

卷之六

四十三

光
三十九

斷氣衝魚鑰九關開林中覓草纒生蕙殿裏爭花併
是梅訝吹銜恩歸路晚棲烏半下鳳城來

奉和人日燕大明宮恩賜采縷人勝應制

李適

朱城待鳳韶華至碧殿乘龍淑氣來寶帳金屏玉已
帖畱花學鳥勝初栽林香近接宜春苑山翠遙添獻
壽杯向夕憑高風景麗天文垂耀象昭回

中宗皇帝幸興慶池戲競渡應制

李適

拂露金輿丹旆轉凌晨黼帳碧池開南山倒影從雲

落北澗搖光瀉浪迴急舸爭標排苻度輕帆截浦
荷來橫汾燕鷁歡無極謔舞年年聖壽杯

興慶池侍燕應制

蘇頌

降鶴池前迴步輦棲鸞樹杪出行宮山光積翠遙疑
逼水態含青近若空直視天河垂象外俯窺京室盡
圖中皇情未使恩波極日暮樓船更起風

奉和立春遊苑迎春

韋元旦

灞浹長安恒近日殷正臘月早迎新池魚戲葉仍含
凍宮女栽花已作春向苑雲疑承翠幄入林風若起
詩家全體卷之六
青蘋年年斗柄東無限願挹瓊觴壽北辰

四二四

光
二百

野望

杜甫

西山白雪三城戍南浦清江萬里橋海內風塵諸弟
隔天涯涕淚一身遙難將遲暮供多病未有滄埃荅
聖朝跨馬出郊時極目不堪人事日蕭條

閣夜

杜甫

歲暮陰陽催短景天涯霜雪霽寒霄五更鼓角聲悲
壯三峽星河影動搖野哭千家聞戰伐夷歌幾處起
漁樵卜龍躍馬終黃土人事音書謾寂寥

大同殿生五芝龍池上有慶雲百官共覩聖恩
便賜燕樂敢書即事
玉維

欲笑周文訝燕鎬還輕漢武樂橫汾豈知玉殿生三
秀詎有銅池出五雲陌上堯尊傾北斗樓前舜樂動
南薰共歡天意同人意萬歲千秋奉聖君

送澹公歸嵩山龍潭寺葬本師

楊巨源

野烟秋水滄茫遠禪境真機去住閒雙樹爲家思舊
叡千花成塔禮寒山洞宮曾向龍邊宿雲徑應從鳥
外還莫戀本師金骨地空門無處復無關

詩家全體

卷之六

四十五

三百三
云

送柳使君赴袁州

劉長卿

宜陽出守新恩至京口因家始願違五柳閉門高士
去三苗按節遠人歸月明江路聞猿斷花暗山城見
吏稀惟有郡齋窓裏岫朝朝空對謝玄暉

和水部張負外宣政殿賜百官櫻桃詩

韓愈

漢家舊種光明殿炎帝還書本草經豈似滿朝承雨
露共看傳賜出青冥香隨翠籠擎初到色映銀盤瀉
未停食罷自知無所報空然漸汗仰皇扃

江南暮春寄家

李紳

洛陽城見梅迎雪魚口橋逢雪送梅
劔水寺前芳草合鏡湖亭上野花開
江鴻斷續翻雲去海燕差池拂水回
想淍心知寒食近潛聽喜鵲望歸來

和程貞外春日東郊即事

包何

卽官休浣憐遲日野老歡娛為有年
幾處折花驚蝶夢數家留葉待蚕眠
藤垂宛地縈珠履泉長侵塔浸綠錢
直到閉闌朝謁去鶯聲不散柳含烟

題橫水驛雙峰院松

趙嘏

詩家全體

卷之六

四十六

三五八

故園溪上雪中別野館門前雲外逢
白髮漸多何事苦清陰長在好相容
迎風幾拂朝天騎帶月猶含度嶺鐘
更憶葛洪丹井畔數株臨水欲成龍

送柳縣裴明府之任蕪克宣慰

郎士元

白蘋楚水三湘晚芳草秦城二月初
連鴈北飛看欲盡孤舟南去意何如
渡江野老思求瘼候館郴人憶下車
別後天涯何所寄故交唯有袖中書

尋郭道士不遇

白居易

郡中乞假來尋訪洞裏朝元去不逢
看院只番雙白

鶴入門唯見一青松
藥爐有火丹應伏
雲碓無人水自春
欲問參同契
中事未知何日得相從

送客之湖南

白居易

年年漸見南方物
事事堪傷北客情
山鬼趨跳惟一足
峽猿哀怨過三聲
帆開青草湖中去
衣濕黃梅雨裏行
別後雙魚定難覓
近來潮不到湓城

慈恩寺偶題

鄭谷

往事悠悠成浩嘆
浮生擾擾竟何能
故山歲晚不歸去
高塔晴來獨自登
林下聽經秋苑苑
鹿溪邊掃葉夕陽僧
吟餘却起雙峯念
曾看蒼西瀑布水

詩家全體

卷之六

四十七

二百五

惜花

偈詩皆裙裾脂粉之語
後人號爲香奩體

韓偓

皤白離情高處切
膩紅愁態靜中深
跟隨片片泔流去
恨滿枝枝被雨淋
總得苔遮猶慰意
若教泥汙更傷心
臨堦一盞悲春酒
明日池塘是綠陰

○平對起體

起句用韻乃詩之正然詞有偶合因而成對亦其天然之妙比反對起猶

爲孤麗可誦

侍宴安樂公主山莊應制

李適

平陽金榜鳳凰樓
心水銀河鸚鵡洲
綵仗遙尋丹壑

襄仙輿暨幸綠亭幽前池錦石蓮花艷後嶺香爐桂
蕊秋貴主稱觴萬年壽還輕漢武濟汾遊

太平公主山亭侍燕

李嶠

黃金瑞榜絳河隈白玉仙輿紫禁來碧樹青岑雲外
聳朱樓盡壁水中開龍舟下瞰鮫人室羽節高臨鳳
女臺遽惜歡娛歌吹晚揮戈更却曜靈回

送賀監歸四明應制

李白

久辭榮祿遂初衣曾向長生說息機真訣自從茅氏
得恩波應許洞庭歸瑤臺含霧星辰滿仙嶠浮雲島
嶼微借問欲棲珠樹鶴何年却向帝城飛

詩家全體

卷之六

四十八

三百六
口六同

和賈舍人早朝大明宮

岑參

雞鳴紫陌曙光寒鶯囀皇州春色闌金闕曉鍾開萬
戶玉階仙仗擁千官花迎劍佩星初落柳拂旌旗露
未乾獨有鳳凰池上客陽春一曲和皆難

送皎然上人歸山

李端

適來世上豈緣名適去人間豈為情古寺山中幾日
到高松月下一僧行雲陰鳥道苔方合雪映龍潭水
更清法主欲歸須有說門人流淚厭浮生

寄韋司直

卽士元

聞君感嘆二毛初，舊友相依萬里餘。
烽戍有時驚暫定，甲兵何處可安居。
客來吳地星霜久，家在平陵音信疎。
昨夜東風還入戶，登山臨水復何如。

登長安慈恩寺塔

盧宗回

東方曉日上翔鸞，西轉蒼龍拂露盤。
渭水寒光搖藻井，玉峰晴色上朱闌。
九重宮闕參差見，百二山河表裏觀。
輒輟去，遂悲不定一凭金界望長安。

元日含元殿下立仗上門下相公 楊巨源

詩家全體

卷之六

四十九

劉長

臨軒啟扇似雲收，率土朝天極水流。
瑞色含春當正殿，香烟捧日在高樓。
三朝氣早迎恩澤，萬歲聲長繞冕旒。
請問漢家功第一，麒麟閣上識鄴侯。

長信宮

錢起

長信螢來一葉秋，蛾眉淚盡九重幽。
鵲觀前明月度芙蓉，闕下絳河流。
鴛鴦久別難爲夢，鳳管遙聞更起愁。
誰分朝陽夜，歌舞君王玉輦正淹留。

夜宿靈臺寺寄卽士元

錢起

西日橫山含碧空，東方吐月滿禪宮。
朝瞻雙頂青冥

上夜宿諸天色界中石潭倒映蓮花水塔院空聞松栢風萬里故人能尚爾知君視聽我心同

謫官後卧病官舍簡賀蘭侍郎

劉長卿

青春衣繡共稱宜白首垂絲恨不遺江上幾回今夜月鏡中無復去年時生還北闕誰相引老向南邦衆所悲歲歲任他芳草綠長沙未有定歸期

籌筆驛

李商隱

魚鳥猶疑畏簡書風雲長為護儲胥徒令上將揮神筆終見降王走傳車管樂有才終不忝關張無命欲

詩家全體

卷之六

五十

劉長卿

何如他年錦里經祠廟梁甫吟成恨有餘

○頷聯不對體

此為律詩之變必天動神解情景俱到乃佳雖崔李天才平生不能

一二篇其不易發如此嚴羽所稱十四字句即此然七言律無頷聯不對者俟博雅之士

更詳之

江南曲

劉希夷

北堂紅草盛丰茸南湖碧水照芙蓉朝遊暮起金花盡漸覺羅裳珠露濃自惜年華三五歲已嘆關山千萬重人情一去無還日欲贈懷芳恨不逢

黃鶴樓

崔顥

昔人已乘白雲去此地空餘黃鶴樓黃鶴一去不復返白雲千載空悠悠清川歷歷漢陽樹芳草萋萋鸚鵡洲日暮鄉關何處是烟波江上使人愁

鸚鵡洲

李白

鸚鵡來過吳江水江上洲傳鸚鵡名鸚鵡西飛隴山去芳洲之樹何青青烟開蘭葉香風起岸夾桃花錦浪生遷客此時徒極目長洲孤月向誰明

登樓望月寄鳳翔李少尹

釋清江

陌上涼風槐葉凋夕陽清露濕寒條登樓望月楚山

詩家全體

卷之六

五十一

上月到樓南山獨遙心送情人超鳳闕目隨陽鴈極煙霄軒車不重無名客此地誰能訪寂寥

○頷聯失黏體

律詩貴流麗圓轉一聯失黏便覺詠不暢然唐人大家往往有之

春日京中有懷

杜審言

今年遊寓獨遊身愁思看春不當春上林苑裏花徒發細柳營前葉漫新公子南橋應盡興將軍西第幾留賓寄語洛城風日道明年春色倍還人

自鞏洛舟入黃河即事寄府僚友 韋應物

夾水蒼山路向東東南山歎大河通寒樹依微遠天

外夕陽明城亂流中孤村幾歲臨伊岍一鴈初晴下
朔風爲報洛橋遊宦侶扁舟不繫與心同

送粲上人兼寄梁鎮員外

卽士元

季月還鄉獨未能林行溪宿厭層冰尺素欲傳三署
客雪山愁送五溪僧連雲朔氣橫秦苑蒲目寒烟隔
灞陵借問從來香積寺何時携手更同登

奉送杜相公益昌路作

卽士元

春半梁山正落花台衡受律向天涯南去猿聲傍雙
節西來江色遠千家風吹畫角孤城曉林映娥眉片
月斜已見廟謀能喻蜀新文更喜報金華

詩家全體

卷之六

五十二

三百五十三

和王員外冬夜寓直

盧綸

高步長裾錦帳卽居然自是漢賢良潘岳叙年因髮
髮楊雄託諫在文章九天韶樂飄寒月萬戶香塵裊
夜霜坐見重門儼朝騎可憐雲路好翱翔

贈闕下裴舍人

錢起

二月黃鸝飛上林春城紫禁曉陰陰長樂鍾聲花外
盡龍池柳色雨中深陽和不散窮途恨霄漢常懸捧
日心獻賦十年猶未遇羞將白髮對華簪

春日與裴迪過新昌畢訪呂逸人不遇

五 雜

桃源西面絕風塵
柳市南頭訪隱淪
到門不敢題凡鳥
看竹何須問主人
城外青山如屋裏
東家流水入西隣
閉戶著書多歲月
種松皆作老龍鱗

○頸聯失黏體

和太常韋主簿五郎溫泉寓日 王 維

漢主離宮接露臺
秦川一半夕陽開
青山盡是朱旗繞
碧澗翻從玉殿來
新豐樹裏行人度
小苑城邊獵騎回
聞道甘泉能獻賦
懸知獨有子雲才

詩家全體

卷之六

五十三

兼聖皇二百个二

宣政殿退朝晚出掖門 杜 甫

天門日射黃金榜
春殿晴曛赤羽旗
宮草菲菲承委佩
爐烟細細駐遊絲
雲近蓬萊常五色
雪殘鳩鵲亦多時
侍臣緩步歸青瑣
退食從容出每遲

西掖省郎事

岑 參

西掖重雲開曙輝
北山疎雨點朝衣
千門柳色連青瑣
三殿花香入紫微
平明端笏陪鷄列
薄暮垂鞭信馬歸
官拙自悲頭白盡
不如巖下偃荆扉

招隱寺送閩判官還江州

李嘉祐

離別那逢秋氣悲，東林更作上方期。共知客路浮雲外，暫愛僧房墜葉時。長江九派人歸少，寒嶺千重鴈度遲。借問潯陽在何處，每看潮落一相思。

荆門道懷古

劉禹錫

南國山川舊帝畿，宋臺梁館尚依稀。馬嘶古樹行人歇，麥秀空城野雉飛。風吹落葉填官井，火入荒陵化寶衣。徒使詞臣庾信賦，咸陽終日苦思歸。

送王穎悟佐歸舟

釋靈一

詩家全體

卷之六

五十四

華嚴經

客意天南興已闌，不堪言別向仙官。夢搖玉佩隨旌節，心到金華憶杏壇。荒郊極望歸雲盡，瘦馬長嘶落日殘。想得故山青靄裏，泉聲入夜獨潺潺。

○結失黏體

人日燕大明宮恩賜采縷人勝 馬懷素

萬宇千門平旦開，天容辰象列昭回。三陽候節金爲勝，百福迎春玉作杯。就暖風光偏着柳，辭寒雪影半藏梅。何幸得參詞賦職，自憐終乏馬卿才。

長安曉望寄程補闕

司空曙

迢遞山河擁帝京，參差宮殿接雲平。
風吹曉漏經長樂，柳帶晴烟出禁城。
天淨笙歌臨路發，日高車馬隔塵行。
獨有淺才甘未達，多漸名在魯諸生。

過乘如禪師蕭居士蒿丘蘭若 王維

薰着天親弟，與兄蕭丘蘭。若一峰晴食，隨鳴磬巢烏。
下行踏空林，落葉聲迸水。定侵香案濕，雨花應共石。
床平深洞長，松何所有儼然天。竺古先生

夜投豐德寺謁液上人 李端

半夜中峰有磬聲，偶逢樵者問山名。
上方月曉聞僧

詩家全體

卷之六

五十五

三百

語下界林疎，見客行野鶴。巢邊松最老，毒龍潛處水。
偏清愿得遠，公知姓字焚香洗。鉢過餘生

使往壽州淮路寄劉長卿 皇甫冉

榛草荒涼村落空，驅馳卒歲亦何功。
兼葭曙色蒼蒼遠，蟋蟀秋聲處處同。
鄉路遙知淮浦外，故人多在楚雲東。
日夕烟霜那可道，壽陽西去水無窮。

○領脛二聯俱失黏體

出塞作

李愷

居延城外獵天驕，白草連天野火燒。
暮雲空磧時驅

馬秋日平原好射鷗護羗校尉朝乘障破虜將軍夜
度遼王靶角弓珠勒馬漢家將賜霍嫖姚

○頸結俱失黏體

登松江驛樓北望故園

劉長卿

淚盡江樓望北歸田園已陷百重圍平蕪萬里何人
去落日千山空鳥飛孤舟漾漾寒潮小極浦蒼蒼遠
樹微白鷗漁父徒相待未掃攬捨懶息機

○四聯俱失黏體

此體尤不
便於吟詠

使君席夜送嚴河南赴長水

岑參

詩家全體

卷之六

五十六

三百五
青

嬌歌急管雜青絲銀燭金杯映翠眉使君地主能相
送河尹天明坐莫辭春城月出人皆醉野戍花深馬
去遲寄聲報爾山翁道今日河南勝昔時

○對扇體

以第一句對第三句第二句對第四句
五六以下如律尤為近體之特異者

辰州冬至日書懷

戎昱

去年長至在長安策杖曾簪獬豸冠此歲長安逢至
日下階遙想雪霜寒夢隨行伍朝天去身寄窮荒報
國難北望南郊消息斷江頭惟有淚闌干

○結亦對體

此亦文勢偶合因而成對要是收拾
得住方成結語若勉強求對收拾不

住則未完排律
耳豈是結法

人日重燕大明宮恩賜綵縷人勝應制

李義府

詰旦行春上苑中
憑高却下大明宮
千年執象寰瀛泰
七日爲人慶賞隆
鐵鳳曾騫搖瑞雪
銅烏細轉入祥風
此時朝野歡無筭
此歲雲天樂未窮

春日幸望春宮

馬懷素

綵毼

音二郎旄也

瑯輿俯碧潯
行春御氣發皇心
搖風細

柳縈馳道映日輕
花出禁林通野園
亭開帟幕連堤

詩家全體

卷之六

五十七

葉墨
三百

草樹狎衣簪
謬參西液霑
堯酒願沐南薰
解舜琴

侍宴隆慶池應制

張說

靈池月滿直城隈
黼帳天臨御路開
東沼初暘疑吐
出南山
曉翠若浮來
魚龍百戲紛容與
鳧鷖雙舟較
沂泗
頤似金堤
青草馥長承
瑤水白雲杯

奉和初春幸太平公主南莊應制

李嶠

主家山第接雲開
天子春遊動地來
羽騎參差花外
轉
霓旌搖拽日邊
迴
還將石溜調琴曲
更取峯霞入

酒杯
鸞輅已辭烏鵲渚
簫聲猶繞鳳凰臺

玉臺觀

杜甫

中天積翠玉臺遙，上帝高居絳節朝。
遂有馮夷來擊鼓，始知嬴女善吹簫。
江光隱見鼉鼉窟，石勢參差鳥鵲橋。
更有紅顏生羽翰，便應黃髮老漁樵。

宿府

杜甫

清秋幕府井寒梧，獨宿江城蝟炬殘。
永夜角聲悲自語，中天月色好誰看。
風塵荏苒音書絕，關塞蕭條行路難。
已忍伶俜十年事，強移棲息一枝安。

秋興

杜甫

詩家全體

卷之六

五十八

兼墨
二百廿

夔府孤城落日斜，每依南斗望京華。
聽猿實下三聲淚，奉使虛隨八月槎。
畫省香爐違伏枕，山樓粉堞隱悲笳。
請看石上藤蘿月，已映洲前蘆荻花。

夜別韋司士

高適

高館張燈酒復清，夜鍾殘月鴈歸聲。
只言啼鳥堪求侶，無那春風欲送行。
黃河曲裏沙為岸，白馬津邊柳向城。
莫怨他鄉暫離別，知君到處有逢迎。

訓王季友題半日村別業兼呈李明府

郎士元

村映寒源日已斜，烟生密竹早歸鴉。
長溪南路當巖岫，半景東隣照數家。
門通小徑連芳草，馬飲春泉踏淺沙。
欲待主人林上月，還思潘令縣中花。

送裴頤侍御餞蜀

錢起

柱史纔年四十強，鬚玄髮美清揚。
朝天綉服乘恩貴，出使星軺滿路光。
錦水繁花添麗藻，蛾眉明月引飛觴。
多才自有雲霄望，計日應追鴛鴦行。

送田明府歸終南別業

韓翃

故園此日多心賞，窓下流泉竹外雲。
近館應逢沈道

詩家全體

卷之六

五十九

量
末

士北隣自識下田君，離宮樹影登山見。
上苑鍾聲過雪聞，相勸早移丹鳳闕。
不須長戀白鷗群。

太保中書令軍前新樓

吳融

十二闌干壓錦城，半空人語落灘聲。
風流近接平津閣，氣色高含細柳營。
晝日捲簾江草綠，有時欹枕雪峯晴。
不知奉詔朝天後，誰此登臨看月明。

奉和春初幸太平公主南莊應制

邵昇

沁園佳麗奪蓬瀛，翠壁紅泉繞上京。
二聖忽從鸞殿幸，雙仙正下鳳樓迎。
花含步輦空間出，樹雜帷宮盡

裏成無路乘槎窺漢渚徒知訪卜就君平

同閩伯均宿道觀有述

包何

南國佳人去不回浴陽才子更須媒綺琴白雪無情
棄羅幌清風到曉開冉冉脩篁倚戶牖迢迢列宿映
樓臺縱令奔月成仙去且作行雲入夢來

醉後寄山中友人

于鵠

昨日山家春酒濃野人相勸久從容獨憶卸冠眠細
草不知誰送出深松都忘醉後逢蕪度不省歸時見
魯恭知已尚嫌身酪酲路人應恐笑龍鐘

詩家全體

卷之六

六十

○徹首尾俱對體

雖是四聯皆對要令不失起結之體乃可老杜此體比諸公較

多

嵩山石淙侍宴應制

沈佺期

金輿旦下綠雲衢彩殿晴臨碧澗隅溪水泠泠逐行
漏山烟片片引香爐仙人六膳調神鼎玉女三漿捧
帝壺自惜汾陽紆道駕無如太室覽真圖

從幸香山寺應制

沈佺期

南山奕奕通丹禁北闕峨峨運翠雲嶺上樓臺千地
起城中鍾鼓四天聞旃檀曉閣金輿度鸚鵡晴林采

眊分願以醍醐參聖酒還將祇苑當秋汾

奉和立春遊苑迎春

馬懷素

玄籥飛灰出洞房青郊迎氣肇初陽仙輿暫下宜春苑御醴行開薦壽觴映水輕苔猶隱綠堤弱柳未舒黃唯有栽花飾簪髮恒隨聖藻狎年光

廣達樓下夜侍醮燕應制

蘇頌

東岳封迴燕洛京西墉通晚會公卿樓臺絕勝宜春苑燈火還同不夜城正覩人間朝市樂忽聞天上管絃聲醮來萬舞群臣醉喜戴千年聖主明

詩家全體

卷之六

六一

三百

奉和春日幸望春宮

李義府

東城結宇瞰千尋北闕迴輿具四臨麗日祥烟承罩畢煙萸弱草藉衣簪秦商重沓雲岩近河渭縈紆霧壑深謬接鸞鸞陪賞樂還欣魚鳥遂飛沉

奉和春初幸太平公主南莊應制

李義府

平陽館外有仙家沁水園中好物華地出東郊迴日御城臨南斗度雲車風泉韻遶幽林竹雨霰光搖雜樹花已慶時來千億壽還言日暮九重賒

奉和春日幸望春宮

鄭愔

晨蹕凌高轉翠旌春樓望遠皆朱城忽排花上遊天
苑却坐雲邊看帝京百草香心初冒蝶千林嫩葉始
藏鶯幸同葵藿傾陽早願比盤根應帝榮

人日侍燕大明宮

瓊殿含光映早輪玉鑾嚴蹕望初晨池開凍水仙宮
麗樹發寒花禁苑新佳氣徘徊籠細網殘霞漸瀝染
輕塵良時荷澤皆迎勝窮谷晞陽猶未春

奉和幸安樂公主山莊應制

宗楚客

玉樓銀榜枕嚴城翠蓋紅旂列禁庭日映層岩圖畫
詩家全體

卷之六

六十一

三百五

色風搖雜樹管絃聲水邊重閣含飛動雲裏孤峰類
削成幸覩八龍遊闕苑無勞萬里訪蓬瀛

和左司張員外自洛使入京中路先赴長安逢

立春日贈常侍御及諸公

孫逖

忽睹雲間數鴈迴更逢山上一花開河邊淑氣迎芳
草林下輕風待落梅秋憲府中高唱入春卿署裏和
歌來共言東閣招賢地自有西征作賦才

此詩開土邊下半
字連用亦交檢點

奉和春日出苑遊矚應令

張說

禁林豔裔發青陽春望逍遙出畫堂雨洗亭臯千畝

綠風吹梅李一園香鶴飛不去隨清管魚躍翻來入
綵航睿賞歡承天保定邁文更覩日重光

喜皇甫曾侍御見過南樓玩月聯句 顏真卿

頃持憲簡推高步獨占詩流橫素波不是中情深惠
好誰能千里遠經過詩書宛似陪康樂少長還同宴
永和夜酌此時看碾玉晨趨幾日重鳴珂

季夏送鄉第韶陪黃門從叔朝謁

杜甫

令弟尚爲滄水使名家莫出杜陵人比來相國蕪安

詩家全體 卷之六

六十三

二百九十七

蜀歸赴朝廷已入秦捨舟策馬論兵地拖玉腰金報
主身莫渡清秋吟蟋蟀早聞黃閣盡麒麟

奉和聖製從蓬萊向興慶閣道中留春雨中春

望之作

王維

渭水自縈秦塞曲黃山舊遶漢宮斜鑿輿迥出仙門
柳閣道回看上苑花雲裏帝城雙鳳闕雨中春樹萬
人家爲乘陽氣行時令不是宸遊玩物華

○古律體

律詩中帶古調與物體
不同故特表為一格

七夕

沈叔安

皎皎宵月麗秋光耿耿天津橫復長停梭且復留殘
緯拂鏡及早更新粧彩鳳齊駕初成輦鷓鴣填河已
作梁雖喜得同今夜枕還愁重空明日牀

送孔恂入洛

司馬禮

洛陽古城秋色多送君此去心如何青山欲暮惜別
淚碧草未盡傷離訶前朝冠帶掩金谷舊遊花月經
銅駝行人正苦柰分手日落遠水生微波

漁父

張志和

八月九月蘆花飛南溪老人垂釣歸秋山入簾翠滴
詩家全體

卷之六

六二四

百九十四朱

滴野艇倚檻雲依依却把漁竿尋小徑閑梳鶴髮對
斜暉翻嫌四皓曾多事出為儲皇定是非

